



# basic education

Department:  
Basic Education  
**REPUBLIC OF SOUTH AFRICA**

## **SENIOR CERTIFICATE EXAMINATIONS/ NATIONAL SENIOR CERTIFICATE EXAMINATIONS**

**ISINDEBELE ILIMI LEKHAYA (HL)**

**IPHEPHA LESITHATHU (P3)**

**MRHAYILI/MGWENGWENI 2024**

**UMHLAHLANDLELA WOKUTSHWAYA**

**IMITLOMELO: 100**

**Umhlahlandlela wokutshwaya lo unamakhasi ali-14.**

**ISIGABA A: AMATHEKSTHI WOKUZITLAMELA (AMA-ESEYI)****UMBUZO 1****TJHEJA:**

- Kiwo woke amatheksthi yelela inani lamagama aphakanyisweko. I-eseyi ephathelene nesithombe ayinikelwe isihloko esiyifaneleko.
- Indlela otlolako arhumutjhe ngayo isihloko ifanele yamukelwe nanyana ihluka kunaleyo elindelwe ngotshwayako ikani nayikhambisana nesihloko.

**1.1 Isehlakalo esatjhiya umphakathi ubambe wangenzi/urarekile.****Nakhu okuqakathekileko nakutshwaywa le-eseyi:**

- Le yi-eseyi lapho umtlozi adamba ngesehlakalo esithileko esakhe senzeka kuye, akhe asibona senzeka komunye nofana acocelwa ngaso. Kuyenzeka kokhanye umtlozi atole i-eseyi ayisusele ehloko.  
**(TJHEJA: I-eseyi le kungenzeka kube ngecoco/ngeveza imizwa bucoca).**
- Ohlolwako kulindeleke bona acoce bekahlathulule isehlakalo esatjhiya umphakathi ubambe wangenzi/urarekile.
- Ohlolwako kulindeleke bona atole indaba ibe sesikhathini esidlulileko beyikhohlakale nanyana kungeyokuzitlamele.
- Kufanele ohlolwako asebenzise amagama abeka tjhatjhalazi isehlakalo esatjhiya umphakathi ubambe wangenzi/urarekile.
- Yamukela i-eseyi eveza amaphuzu abhamba nofana afihlakeleko ngesihlokwesi.

**[50]****1.2 Isekelo lababelethi bami lingenze ngaba lapha ngikhona namhlanje.****Nakhu okuqakathekileko nakutshwaywa le-eseyi:**

- Le yi-eseyi lapho umtlozi adamba ngesehlakalo esithileko esakhe senzeka kuye, akhe asibona senzeka komunye nofana acocelwa ngaso. Kuyenzeka kokhanye umtlozi atole i-eseyi ayisusele ehloko.  
**(TJHEJA: I-eseyi le kungenzeka kube ngehlathululako/ngecoco).**
- Ohlolwako kulindeleke bona ahlathulule anabe khudlwana indlela ababelethi bakhe abamsekela ngayo nelamenza abe mumuntu anguye/abe ngendlela angayo namhlanje.
- Ohlolwako kulindeleke bona atole indaba ibe sesikhathini esidlulileko beyikhohlakale nanyana kungeyokuzitlamele.
- Kufanele ohlolwako asebenzise amagama azokubeka tjhatjhalazi nofana azokubeka kukhanye bha isekelo lababelethi bakhe elamenza waba lapha akhona namhlanje.
- Yamukela i-eseyi eveza amaphuzu abhamba nofana afihlakeleko ngesihlokwesi.

**[50]**

### 1.3 Ngangingakalindeli ukuzwa amagama afana nalawo aphuma emlonyenakhe.

#### Nakhu okuqakathekileko nakutshwaywa le-eseyi:

- Le yi-eseyi lapha otlolako aveza khona indlela azizwa ngayo ngesihloko esithileko.  
(TJHEJA: I-eseyi le kungenzeka kube ngeveza imizwa bucoca/ ngehlathululako).
- Ohlolwako akaveze imizwakhe nokuthatheka kwehliziyo ngesihloko anikelwe sona.
- Ohlolwako akaveze imizwakhe ngamagama awezwa aphuma emlonyeni womuntu loyo egade angakawalindeli.
- I-eseyakhe ayitjhegeze ibuyele emva ebujameni ebekakibo ngaphambi kobana ezwe amagama egade angakawalindeli la aphuma emlonyeni waloyo akhuluma ngaye.
- Ihlangothi elikhulu le-eseyi akube ngeliveza imizwa nofana elinaba khudlwana ngalokho okusengqondwenakhe ngesihlokweni.
- Yamukela i-eseyi eveza amaphuzu abhamba nofana afihlakeleko ngesihlokweni.

[50]

### 1.4 Umngani uqakathekile kodwana angabuya akulahlekise epilweni.

#### Nakhu okuqakathekileko nakutshwaywa le-eseyi:

- Le yi-eseyi lapha otlolako alindeleke bona aveze khona imibonwakhe ngamahlangothi womabili nofana ngehlangothi linye.  
TJHEJA: I-eseyi le kungaba ngemahlangothimabili/ ngehlangothilinye.
- Ohlolwako kulindeleke bona aveze tihatjhalazi imithelela emihle nemimbi (emahlangothimabili)/emimbi nofana emihle (i-eseyi ehlangothilinye) ngokuqakatheka komngani epilweni, ubumbi obuba khona nasele umngani loyo akufelelisa aveze nokobana ulemukiswe yini nangemva kwesikhathi esingangani bona umnganakhe le uyamfelelisa.
- Okuqakathekileko nge-eseyi le kukobana ohlolwako kulindeleke bona anikele amaphuzu amahle namambi ngesihlokweni nofana athathe ihlangothi elilodwa ahlathulule anabe ngalo.
- Yamukela i-eseyi eveza amaphuzu abhamba nofana afihlakeleko ngesihlokweni.

[50]

**1.5 Esikhathini sanamhlanjesi nawunemali ungakghona ukufumana yoke into engathabisa omunye umuntu epilweni. Vumelana nofana uphikisane nesitatimendesi**

**Nakhu okuqakathekileko nakutshwaywa le-eseyi:**

- Le yi-eseyi lapha ohlolwako alindeleke bona abeke imibonwakhe ikhanye kusukela ekuthomeni bekube sekugcineni kwe-eseyakhe.
- Ohlolwako kulindeleke bona athome ngokobana akhethe ihlangothi azokutlola ngalo, aveze izinto ezibufakazi bokobana esikhathini sanamhlanjesi nawunemali ungakghona ukufumana yoke into engathabisa umuntu epilweni nofana imali angeze yakwenza ufumane zoke izinto ezingakuthabisa epilweni.

**TJHEJA: I-eseyi le ngehlangothilinye/ngethatha ihlangothi.**

- Kuqakathekile bona ohlolwako anikele amaphuzu asekela imibonwakhe nakavumelana nofana aphikisana nesitatimendesi kufikela ekupheleni kwendabakhe.
- Yamukela i-eseyi eveza amaphuzu abhamba nofana aphi lakeleko ngesihlokwesi.

**[50]**

- 1.6**
- Ohlolwako angakhetha nanyana ngimuphi umhlobo we-eseyi afuna ukutlola ngawo. Kungaba yi-eseyi ecocako, ehlathululako, eveza imizwa, emahlangothimabili nofana ehlangothilinye.
  - Kuqakathekile bona ohlolwako aqinisekise bonyana indabakhe nesithombe ziyakhambelana.
  - Yamukela i-eseyi eveza amaphuzu abhamba nofana aphi lakeleko ngesihlokwesi.

**[50]**

- 1.7**
- Ohlolwako angakhetha nanyana ngimuphi umhlobo we-eseyi afuna ukutlola ngawo. Kungaba yi-eseyi ecocako, ehlathululako, eveza imizwa, emahlangothimabili nofana ehlangothilinye.
  - Kuqakathekile bona ohlolwako aqinisekise bonyana indabakhe nesithombe ziyakhambelana.
  - Yamukela i-eseyi eveza amaphuzu abhamba nofana aphi lakeleko ngesihlokwesi.

**[50]**

- 1.8**
- Ohlolwako angakhetha nanyana ngimuphi umhlobo we-eseyi afuna ukutlola ngawo. Kungaba yi-eseyi ecocako, ehlathululako, eveza imizwa, emahlangothimabili nofana ehlangothilinye.
  - Kuqakathekile bona ohlolwako aqinisekise bonyana indabakhe nesithombe ziyakhambelana.
  - Yamukela i-eseyi eveza amaphuzu abhamba nofana aphi lakeleko ngesihlokwesi.

**[50]**

**IMITLOMELO YESIGABA A:**

**50**

**ISIGABA B: AMATHEKSTHI WOKUTHINTANA****UMBUZO 2****2.1 I-IMEYILI ENGAKAHLELEKI**

**Nakhu okuqakathekileko nakutshwaywa i-imeyili engakahleleki:**

- Iba nesiphande se-imeyili yaloyo othumela umlayezo.
- Iba nesiphande se-imeyili yaloyo enqotjhiswe kuye.
- Iba nesihloko esirhunyeka ummango we-imeyili.
- Iba nesilotjhiso esiligama laloyo i-imeyili enqotjhiswe kuye.
- Iba nesingeniso esiveza umnqopho wokutlolwa kwe-imeyili leyo.
- Iba nomzimba omumethe umlayezo opheleleko.
- Iba nomutjho olayelisako.
- Iba negama laloyo othumele i-imeyili ekugcineni.

**[25]****2.2 IKULUMO-PENDULWANO.**

**Nakhu okuqakathekileko nakutshwaywa ikulumo-pendulwano:**

- Iba nesendlalelo esifakwa ngeembayaneni esihlathulula indawo, isikhathi, amabizo wabantu abakhulumako nalokho abakhuluma ngakho nekuba singeniso somtlolelo.
- Amagama walabo abakhulumako atlolwa ngesandleni sesincele, abe mafitjhani nesibongo singasetjenziswa. Akutlolwa litho ngaphasi kwamagama walabo abakhulumako.
- Kutlolwa ikholoni emva kwamagama wabantu abakhulumako.
- Imizwa nemisikinyeko yabakhulumako ifakwa ngeembayaneni ngaphambi kwegama laloyo okhulumako.
- Isiphetho sendaba siba sekulumeni yabo, kuzwakale bona seiyaphetha.

**Tjheja: abantu ababandakanyeka kukulumo-pendulwano bafanele bahlale endabeni zisuka zibekwa, akukalindeleki bona bathome ngokulotjhisana nokubuzana amavuko.**

**Amaphuzu alindeleke ngesihloko:**

- Cocani ngobujamo babantu abatjha njenganje.
- Cocani ngeningakwenza ukukhandela ubujamobu ukobana buragele phambili.
- Cocani ngabantu eningakhulumisana nabo nebangaba namandla wokusiza.
- Cocani ngeendawo eningazivakatjhela ezingaba lisizo kilokhu enifuna ukukwenza nililutjha.

**Tjheja: Abafundi bangaveza namanye amaphuzu angakavezwa ngehla. Okhunye kukobana ikulumo-pendulwano le ingaba neenkhathi zesenzo ezintathu ekungaba ngesidlulileko, sanje nesisezako.**

**[25]**

## 2.3 IKULUMO ENGAKAHLELEKI

- Iveza ihloso yekulumo.
- Itlolwa ngeendima.
- Nanzi iinhlokwana ezilindeleke ngaphasi kwekulumo engakahleleki:
- Isihloko > Kuqakathekile ukobana sibe nendawo lapho ikulumo izokwenzeka khona, izokwenziwa ngubani, ngaliphi ilanga begodu sethule okumumethwe yikulumo.
- Isilotjhiso > Kumele umuntu othula ikulumo alotjhise boke abakhona ngokulandelana kwabo, abakhulu nabancani, abalamanise kuhle ngokweenkhundla zabo emehlweni womphakathi. Kesinye isikhathi angalotjhisa ngendlela efaka phakathi woke umuntu, ngaphandle kokubabiza ngokulamana kweenkhundla zabo, njengokuthi; 'Lotjhani noke' nofana 'Lotjhani'.
- Isingeniso > Kumele sidose kodwana sibe sifitjhani senze kobana balalele.
- Ummongondaba > Ikulumo ayitolwe ngokucacileko, ibe nemitjho emifitjhani enemiqondo elula beyisebenzise neembonelo ezijayelekileko. Awube magama akhiwe kuhle kugegedwe ukubuyelela amagama khulu/ngokudluleleko ngombana kulahlekisa ihlathululo yamambala (amatlitjhe).
- Isiphetho > Siqakathekile begodu sisirhunyezo salokho esele kukhulunyiwe, asifake iselela.

[25]

## 2.4 UMBIKO ONGAKAHLELEKI

**Nakhu okuqakathekileko nakutshwaywa umbiko ongakahleleki:**

- Isihloko siba nebizo lomuntu nanyana abantu umbiko oqaliswe kibo.
- Udlulisa ilwazi elimayelana nalokho umuntu obikako akubone kusenzeka.
- Amaphuzu aba liqiniso, kungabi mibono.
- Amaphuzu akaphathelane nalokho akubone kusenzeka.
- Amaphuzu atolwa ngamaphoyinti.
- Ilimi elisetjenziswako kulindeleke bona likhambisane nabamukelilwazi.
- Utlolwa ngomuntu wesithathu okukhulunywa ngaye.
- Uba nesiphetho.

**YELELA: UMBIKO ONGAKAHLELEKI AWUBI NEEMPHAKAMISO.**

[25]

## 2.5 I-ATHIKILI KAMAGAZINI

**Nakhu okuqakathekileko nakutshwaywa i-athikili kamagazini:**

- Isihloko kufuze sidose ozosifunda begodu silulubeze.
- I-athikili kumele itlowe ihlukaniswe ngamakholomu. Lokhu kuzokusiza ukobana ingabi nesakhiwo esifana nese-eseyi nofana ibe nesakhiwo sesikhangiso.
- I-athikili kufuze itjengiswe kuhle begodu nemiqaliswayo/iinthombe zibe zihle ngemibala ekhanyako nedosako ekhambelana nayo.
- Kufuze ikhulume noyifundako begodu ibe sesitayeleni saloyo oyitlolako.
- Isitayela sotlolako singasebenzisa iinthombengqondo, sihlathulule nanyana sibe nezwelo.
- Kufanele itlolwe igama lomuntu oyitlolileko, indawo, isikhathi, ubujamo nezinye iinsiza zingafakwa ku-athikili.
- I-athikili kufuze ivuse ilulubezo njengesikhangiso ikhuthaze abayifundako bona bayifunde.
- Iindima akukafuzi bona zibe zide.
- Amaledere asetjenzisweko kufuze kube ngilawo azakwamukeleka.

[25]

## 2.6 IKHARIKHYULAMU VITHAYE NENCWADI EMKHAMBISANI

**Nakhu okuqakathekileko nakutshwaywa IKharikhyulamu Vithaye nencwadi emkhambisani:**

**AMATSHWAYO WEKHARIKHYULAMU VITHAYE:**

- **Imininingwana ephathelene nami**  
Isibongo.  
Amagama.  
Ilanga lamabeletho.  
Inomboro kamazisi.  
Inarha engabelethelwa kiyo.  
Ubulili.  
Ilimi elikhulunywa ekhaya.  
Isiphande sekhaya.  
Inomboro zomrhala wekhaya.  
Inomboro zomrhala wemsebenzini.  
Inomboro zakafunjathwako.
- **Imininingwana ephathelene nokufunda**  
Igama lesikolo.  
Isitifikeyithi.  
Iimfundo.  
Umnyaka.
- **Umsebenzi**  
Igama lebubulo.  
Indawo.  
Umsebenzi engiwenzako.  
Isikhathi engenza ngaso umsebenzi lo.

- **Imininingwana ephathelene nepilo**  
Imidlalo engiyithandako.  
Imidlalo engidlala indima kiyo.  
Okhunye kokuzithabisa engikwenzako.
- **Abantu ekungabuzwa kibo ngami**  
Nasi imininingwana etlhogekako ngabo:  
Amagama neembongo, indlela engihlobene nabo ngayo nofana iinkhundla zabo, iimphande zabo neenomboro zomrhala nofana zakafunjathwako.

#### **AMAMTSHWAYO WENCWADI EMKHAMBISANI:**

- Iba neemphande ezimbili, ezitlolwa ngokujayelekileko. Isiphande sotlolelwako asibi nelanga/idadamu ekutlolwe ngalo incwadi. **Tjheja:** iimphande, isilotjhis, isihloko nesiphetho azingabalwa lokha nakubalwa inani lamagama.
- Itlolelwa umuntu othileko onesikhundla esithileko. Ngelokho-ke kufanele otlolako aphakamise isikhundla saloyo amtlolelako ngaphambi kokutlola isiphande sesibili.
- Iba nesilotjhis esingaphakamisi ibizo lomuntu otlolelwako kodwana kutlolwa bona Nomzana nofana Kosikazi.
- Isihloko salokho otlola ngakho sitlolwa ngamagabhadlhela nofana sitlolwe ngamagama amancani bese siyathalelwa.
- Iba nendima eyodwa eveza irhuluphelo nofana isizathu sokufaka isibawo somsebenzi lowo. Kufakwa ireferensi nofana inombero yesibawo somsebenzi lowo ngedlela esikhangiswe ngayo.
- Iba nesilayeliso. Kulindeleke bona asebenzise amagama afana nanaka: *Ngizokuthokoza, Ngizokuthaba, Kuzongithabisa.*
- Iba nesiphetho esiveza bona ibuya kubani. Otolako kulindeleke bona atlole amagamakhe nofana iinthomo zamagamakhe nesibongo sakhe bese uyayitlikitla. Kulindeleke bona bengubo baveze bona bendile/batjhadile nofana awa ngokutlola Mm. nofana Kkz./Ksz. ngemva kokutlikitla incwadi leyo. Lokhu kwenzelwa ukobana loyo otlolelwako azi kuhle bona utlolelwe ngubani.

**TJHEJA: Umfundi otlole i-CV YODWA angakatloli incwadi emkhambisani akanikelwe imitlomelo engaba li-10–12 kokumunyethweko. Umfundi otlole incwadi emkhambisani YODWA akanikelwe imitlomelo engaba mi-4–6 kokumunyethweko.**

[25]

<b>IMITLOMELO YESIGABA B:</b>	<b>50</b>
<b>INANI LOKE:</b>	<b>100</b>



**ISIGABA A: IRUBHRIKHI YOKUTSHWAYA/YOKUHLOLA INDABA/I-ESEYI YELIMI LEKHAYA [50 IMITLOMELO]****TJHEJA:**

- Sebenzisa irubhrikhi njalo nawutshwaya i-eseyi.
- Amamaksi asukela eli-0–50 ahlukaniwe ngamazinga weentladhluli ezi-5.
- Okumunyethweko, iqhinga lokusetjenziswa kwelimi nesitayela, lelo nalelo kghono lesitladhluli lihlukaniwe ngezinga eliphezulu neliphasi.
- Isakhiwo asithintwa lizinga eliphezulu namkha eliphasi.

**IRUBHRIKHI YOKUHLOLA INDABA YELIMI LEKHAYA [50 AMAMAKSI]**

Iqhinga		Ngokudluleleko	Ngokwekghono	Ngokulingeneko	Ngokusisekelo	Ngokungakalingani
<b>OKUMUNYETHWEKO NOKUHLOLA</b>  (Ukuphendula) Ukuhleleka kwemiqondo yokuhlela. Ukulemuka komnqopho, abamukelilwazi nobujamo.  <b>30 AMAMAKSI</b>		<b>28–30</b>	<b>22–24</b>	<b>16–18</b>	<b>10–12</b>	<b>4–6</b>
	Izinga eliphezulu	<ul style="list-style-type: none"> <li>- Ukuphendula <b>okudluleleko</b>.</li> <li>- Imiqondo <b>ehlakaniphileko</b> netjengisa <b>ukukhula</b>.</li> <li>- <b>Ukuhleleka okudluleleko nokukhambelana</b> kwesingeniso, umzimba nesiphetho.</li> </ul>	<ul style="list-style-type: none"> <li>- Ukuphendula <b>okuhle khulu</b>.</li> <li>- Kunobufakazi <b>nokukhula</b> kwendaba okubonakalako <b>nokumnandi</b>.</li> <li>- <b>Ukuhleleka okuhle nokukhambelana</b> kwesingeniso, umzimba nesiphetho.</li> </ul>	<ul style="list-style-type: none"> <li>- Ukuphendula <b>okwanelisako</b>.</li> <li>- Imiqondo <b>ekhambelana</b> <b>nekholisako</b>.</li> <li>- <b>Kunokuhleleka nokukhambelana okulingeneko</b> kwesingeniso, umzimba nesiphetho.</li> </ul>	<ul style="list-style-type: none"> <li>- Ukuphendula <b>okungakajami ndawonye</b>.</li> <li>- Imiqondo <b>engakanqophi</b>.</li> <li>- Ubufakazi <b>obuncani bokuhleleka nokukhambelana</b> kwesingeniso, umzimba nesiphetho.</li> </ul>	<ul style="list-style-type: none"> <li>- Ukuphendula <b>okuphume endloleni khulu</b>.</li> <li>- Imiqondo <b>enganatlha nengazwakaliko</b>.</li> <li>- Imiqondo <b>ebuyabuyelelweko</b>.</li> <li>- Imiqondo <b>engakahleleki nengakhambelano</b>.</li> </ul>
	Izinga eliphasi	<b>25–27</b> <ul style="list-style-type: none"> <li>- Ukuphendula <b>okudluleleko kodwana kutlhayela amatshwayo wendaba ehle</b>.</li> <li>- Imiqondo <b>ekhulileko nenokuhlakanipha</b>.</li> <li>- <b>Kunokuhleleka nokukhambelana okuhle</b> kwesingeniso, umzimba nesiphetho.</li> </ul>	<b>19–21</b> <ul style="list-style-type: none"> <li>- Ukuphendula <b>okuhle</b>.</li> <li>- Imiqondo <b>ekarisako nekhambelana</b>.</li> <li>- <b>Kunokuhleleka nokukhambelana</b> kwesingeniso, umzimba nesiphetho.</li> </ul>	<b>13–15</b> <ul style="list-style-type: none"> <li>- Ukuphendula <b>okwanelisako kodwana okunganatlha</b>.</li> <li>- Imiqondo <b>izwakala beyikhambelana ngokulingeneko</b>.</li> <li>- <b>Kunokuhleleka nokukhambelana</b> kwesingeniso, umzimba nesiphetho.</li> </ul>	<b>7–9</b> <ul style="list-style-type: none"> <li>- Ukuphendula <b>okungakhambelano nokusezingeni eliphasi</b>.</li> <li>- Imiqondo <b>ayikahlangani begodu ayikanqophi</b>.</li> <li>- <b>Kunokuhleleka okungakhambelani</b> nesingeniso, umzimba nesiphetho.</li> </ul>	<b>0–3</b> <ul style="list-style-type: none"> <li>- Ukuphendula <b>isihloko akukalingwa nokulingwa</b>.</li> <li>- Imiqondo <b>engakhambelano nengakafaneli</b>.</li> <li>- Imiqondo <b>enganatlha nengazwakaliko</b>.</li> </ul>

**IRUBHRIKHI YOKUHLOLA INDABA YELIMI LEKHAYA [50 AMAMAKSI] (iyaraga)**

Iqhinga		Ngokudluleleko	Ngokwekghono	Ngokulingeneko	Ngokusisekelo	Ngokungakalingani
<b>ILIMI, ISITAYELA NOKU-EDITHA.</b>  Iphimbo, irejista, isitayela nelwazimagama elifanele umnqopho, abamukelilwazi nobujamo. Ukukhethwa kwamagama, ukusetjenziswa kwelimi, imithethwana, iimphumuzi, ihlelo nesipelinghi.	Izinga eliphezulu	<b>14–15</b> - Iphimbo, irejista, isitayela nelwazimagama <b>elifaneleko nelihle ngokudluleleko, elinemba umnqopho, abamukelilwazi nobujamo.</b> - Ukusetjenziswa kwelimi kusezingeni <b>elihle ngokudluleleko.</b> - <b>Ihlelo nesipelinghi esinganamphoso khulu (0-2).</b> - Kutlanywe <b>kuhle ngokudluleleko.</b>	<b>11–12</b> - Iphimbo, irejista, isitayela nelwazimagama <b>elifanele umnqopho, abamukelilwazi nobujamo.</b> - <b>Ilimi liyanemba belisetjenziswe kuhle.</b> - <b>Ihlelo nesipelinghi akunamphoso khulu, zimbawo (5-9).</b> - Kutlanywe <b>kuhle khulu.</b>	<b>8–9</b> - Iphimbo, irejista, isitayela nelwazimagama <b>elifanele umnqopho, abamukelilwazi nobujamo ngokulingeneko.</b> - Ukusetjenziswa kwelimi <b>okwethula ihlathululo.</b> - <b>Ihlelo nesipelinghi kuneemphoso ezinengi (15-19).</b> - Kutlanywe <b>ngokusezingeni elilingeneko.</b>	<b>5–6</b> - Iphimbo, irejista, isitayela nelwazimagama <b>elingakafaneli umnqopho, abamukelilwazi nobujamo.</b> - Ukusetjenziswa kwelimi <b>okusezingeni eliphasi.</b> - <b>Ihlelo nesipelinghi kuneemphoso ezinengi khulukhulu.</b> - Kutlanywe <b>ngokusezingeni eliphasi khulukhulu.</b>	<b>0–3</b> - Iphimbo, irejista nesitayela <b>ezingakafaneli khulu umnqopho, abamukelilwazi nobujamo.</b> - <b>Ilwazimagama elitlhayela khulu lenza kube budisi ukuzwisa itheksthi.</b> - <b>Ilimi elingazwakaliko.</b> - <b>Ihlelo nesipelinghi kuneemphoso ezinengi khulu ngokudluleleko.</b> - <b>Abukho ubufakazi bokutlama</b>
		<b>13</b> - Iphimbo, irejista, isitayela nelwazimagama <b>elifaneleko nelihle elinemba umnqopho, abamukelilwazi nobujamo.</b> - Ukusetjenziswa kwelimi kusezingeni <b>elihle khulu.</b> - <b>Ihlelo nesipelinghi esinganamphoso ezinengi (3-4).</b> - Kutlanywe <b>ngokudluleleko.</b>	<b>10</b> - Iphimbo, irejista, isitayela nelwazimagama <b>elifanele umnqopho, abamukelilwazi nobujamo.</b> - <b>Ilimi liyanemba belisetjenziswe ngokufaneleko.</b> - <b>Ihlelo nesipelinghi kuneemphoso ezinengana (10-14).</b> - Kutlanywe <b>kuhle.</b>	<b>7</b> - Iphimbo, irejista, isitayela nelwazimagama <b>elifanele umnqopho, abamukelilwazi nobujamo.</b> - Ukusetjenziswa kwelimi <b>okungathuli ihlathululo.</b> - <b>Ihlelo nesipelinghi kuneemphoso ezinengi khulu (20 ukuya phezulu).</b> - Kutlanywe <b>ngokusezingeni eliphasi.</b>	<b>4</b> - Iphimbo, irejista, isitayela nelwazimagama <b>elincani nelisezingeni eliphasi elingakafaneli umnqopho, abamukelilwazi nobujamo.</b> - Ukusetjenziswa kwelimi <b>okungakafaneli.</b> - <b>Ihlelo nesipelinghi kuneemphoso ezinengi khulukhulu.</b> - Kutlanywe <b>ngokusezingeni eliphasi khulukhulu.</b>	
<b>ISAKHIWO</b>  Amatshwayo wetheksthi. Ukwakhiwa kweengaba nemitjho.	Izinga eliphasi	<b>5</b> - Kuvezwe amatshwayo neminingwana <b>eqakatheke ngokudluleleko</b> ngesakhiwo sendaba. - Kunokukhambelana <b>okuhle ngokudluleleko</b> kwendaba. - Imitjho neengaba kwakheke ngendlela <b>ehle ngokudluleleko.</b>	<b>4</b> - Amatshwayo neminingwana evezweko kukhambelana <b>kuhle.</b> - Kunokukhambelana <b>okuhle kwendaba.</b> - Imitjho neengaba kwakheke ngendlela <b>ehle.</b>	<b>3</b> - Amatshwayo neminingwana kuvezwe <b>ngokulingeneko.</b> - Kunokukhambelana <b>okulingeneko</b> kwendaba. - Imitjho neengaba kwakheke <b>ngokulingeneko.</b> - <b>Indaba isanikela umqondo.</b>	<b>2</b> - Amatshwayo neminye iminingwana yesakhiwo sendaba kuvezwe <b>ngokusisekelo.</b> - <b>Ukwakheka kwemitjho neengaba kuneemphoso.</b> - <b>Indaba isazwakala kancani.</b>	<b>0–1</b> - Amatshwayo neminingwana efunekako <b>kuyatlhayela.</b> - Ukwakhiwa kwemitjho neengaba <b>kuneemphoso ezinengi khulu.</b> - <b>Indaba ayinamqondo.</b>

**ISITJENGISO SOKWABIWA KWEMITLOMELO:**

**Km-:** (Tlola umtlomelo otholwe mfundi), **L-:** (Tlola umtlomelo otholwe mfundi), **Sk-:** (Tlola umtlomelo otholwe mfundi)











**ISIGABA B: AMATHEKSTHI WOKUTHINTANA****IRUBHRIKHI YOKUHLOLA AMATHEKSTHI WOKUTHINTANA WELIMI LEKHAYA [25 AMAMAKSI]**




<b>Iqhinga</b>	<b>Ngokudluleleko</b>	<b>Ngokwekghono</b>	<b>Ngokulingeneko</b>	<b>Ngokusisekelo</b>	<b>Ngokungakaneli</b>
<b>OKUMUNYETHWEKO, UKUHLELA NESAKHIWO</b>  -Ukuphendula nemibono. -Ukubuthelwa nokuhleleka kwemibono. - Umnqopho, abamukelilwazi, amatshwayo/imithetjhwana kanye nobujamo  <b>15 AMAMAKSI</b>	<b>13–15</b>  - Ukuphendula <b>okudluleleko</b> , okungaphezu kwalokho okulindelweko. - Imiqondo <b>ehlahaniphileko nekhulileko</b> . - <b>Ilwazi elingeneleleko</b> lamatshwayo wetheksthi. - Umtlolo unqophile. - <b>Kunokukhambelana kokumunyethweko nomqondo</b> . - Isakhiwo sihleleke <b>kuhle ngokudluleleko, yoke</b> imininingwana esekela isihloko iveziwe. - Isakhiwo <b>esifaneleko nesinembako</b> .	<b>10–12</b>  - Ukuphendula <b>okuhle</b> okutjengisa ilwazi elihle lamatshwayo wetheksthi. - Umtlolo unqophile, <b>awukaphumi esihlokweni</b> begodu usekelwe <b>kuhle</b> ngendlela enobukghoni. - Kunemininingwana esekela isihloko. - Isakhiwo esifaneleko kodwana <b>esinokungakhambelaniko okuncazana</b> .	<b>7–9</b>  - Ukuphendula <b>okulingeneko</b> okutjengisa ilwazi lamatshwayo wetheksthi. - <b>Akunakudzimelela</b> nokukhambelana okulingeneko <b>kokumunyethweko</b> nemiqondo. - <b>Eminye imininingwana esekela isihloko iveziwe</b> . - Isakhiwo sifanele <b>ngokulingeneko kodwana kunokungakhambelani</b> .	<b>4–6</b>  - Ukuphendula <b>ngokusisekelo</b> okutjengisa ilwazi lamatshwayo wetheksthi. - <b>Kunokunqophla okukhona kodwana okunengi kuphambene nesihloko</b> . - Imininingwana esekela isihloko <b>imbalwa</b> . - <b>Kunobutjhapha obukhona</b> obubonakalako emithethweni nematshwayeni wesakhiwo.	<b>0–3</b>  - Ukuphendula kutjengisa <b>ukungabi khona kwelwazi</b> lamatshwayo wetheksthi. - <b>Akunakukhambelana</b> kwemiqondo. - Imininingwana esekela isihloko <b>imbalwa khulukhulu</b> . - <b>Akakasebenzisi amatshwayo</b> nemithetho yesakhiwo.
<b>ILIMI, ISITAYELA KANYE NOKU-EDITHA</b>  -Iphimbo, irejista nesitayela kufanele umnqopho/umphumela, abamukelilwazi nobujamo. -Ukusetjenziswa kwelimi kanye nemithetjhwana. -Ukukhethwa kwamagama. -Ukusetjenziswa kwamatshwayo wokutlola nesipelinghi.  <b>10 AMAMAKSI</b>	<b>9–10</b>  - Iphimbo, irejista, isitayela nelwazimagama <b>kuwufanele kuhle khulu</b> umnqopho, abamukelilwazi nobujamo. - Ihlelo lisetjenziswe ngokunembako <b>belihleleke kuhle khulu</b> . - <b>Kuneemphoso ezincani khulu</b> .	<b>7–8</b>  - Iphimbo, irejista, isitayela nelwazimagama <b>kuwufanele kuhle</b> umnqopho, abamukelilwazi nobujamo. - Ihlelo lisetjenziswe ngokunembako <b>belihleleke kuhle</b> . - <b>Akunamphoso ezinengi</b> .	<b>5–6</b>  - Iphimbo, irejista, isitayela nelwazimagama <b>kuwufanele ngokulingeneko</b> umnqopho, abamukelilwazi nobujamo. - <b>Kuneemphoso zehlelo kodwana azilimazi ihlathululo</b> .	<b>3–4</b>  - Iphimbo, irejista, isitayela nelwazimagama <b>kuwufanele kancani</b> umnqopho, abamukelilwazi nobujamo. - <b>Kuneemphoso zehlelo ezenza bona ihlathululo ingazwakali</b> .	<b>0–2</b>  - Iphimbo, irejista, isitayela nelwazimagama <b>akukhambelani</b> nomnqopho, abamukelilwazi nobujamo. - <b>Kuneemphoso ezinengi khulu ezenza bona ihlathululo ingazwakali nakancani</b> .
	- 0-2 yeemphoso tlomelisa=10 - 3-4 yeemphoso tlomelisa=9	- 5-9 yemphoso tlomelisa=8 - 10-11 yeemphoso tlomelisa=7	- 12-15 yeemphoso tlomelisa=6 - 16-19 yeemphoso tlomelisa=5	- 20 ukuya phezulu tlomelisa=3/5 kuye ngokobana iimphoso zingangani	

**ISITJENGISO SOKWABIWA KWEMITLOMELO:****Km-/Sk-: (Tlola umtlomelo otholwe mfundi)****L-: (Tlola umtlomelo otholwe mfundi)**

**AMATSHWAYO OKUMELE ASETJENZISWE BOTITJHERE NABATSHWAYAKO****IGREYIDI 10-12**

Itshwayo	Ihlathululo	Itshwayo elikhambelanako ethekstini	Isibonelo setshwayo elisetjenzisiweko	Lapha kulungiswe khona
?	Faka itshwayo likanobuza	h	?	
!	Faka itshwayo lokubabaza	h	!	
/-/	Faka u-dwi/ihayifeni	h	/-/	
9	Susa bese uyalivala(igama)	/	Kwa/Mhlanga	KwaMhlanga
#	Hlukanisa amagama	#	...ebesakhelene nabo	...ebe sakhelene nabo
9	Susa(Tlola phezu kweledere/kwegama elisuswako)	Susa igameli	Umma ukhamba <del>uyakhamba</del> ngekoloyi	Umma ukhamba ngekoloyi
stet	Tjhiya njengombana kunjalo/Lisa(umtlo)njengombana unjalo	...ngaphasi kwamaledere/igama olisule ngephoso	Ubaba ukhamba nomma	Ubaba <u>ukhamba</u> nomma

<b>Gabh</b>	Tlola igabhadlhela	≡....ngaphasi kweledere lelo/igama elifuze litlolwe ngegabhadlhela	<u>Unomz</u> ana Mahlangu	uNomzana Mahlangu
<b>L.nc</b>	Tlola ngeledere elincani	≡...ngaphasi kweledere lelo/igama elifuze litlolwe ngamagama amancani	...ngi <u>Z</u> okukhamba	...ngizokukhamba
	Vala bese ususa isikhala hlangana namaledere	Hlanganisa amaledere	Emthola  pilo	Emtholapilo
<b>s.e</b>	Thoma isigaba esitjha	Isib: sele kumele athome isigaba esilandelako.	...kwabo.  Abesana...	..kwabo.  Abesana.....
	Faka iledere/igama elitjengwise emajinini		Umma uyak  huphula	Umma uyakghuphula
	Faka ungci		Abesana bebagula	Abesana bebagula.
	Faka ikhoma		Ubaba uthenge iimbuzi iinkomo nezinja.	Ubaba uthenge iinkomo, iimbuzi nezinja.

<b>sp</b>	Thalela igama elingatloleki kuhle bese utlola <b>sp</b> ngaphezulu	<b>sp</b>	...ngitluwile	... <u>ngitluwile</u>
<b>sv</b>	Thalela igama elinesivumelwano esingakafaneli besi utlola <b>sv</b> ngaphezulu	<b>sv</b>	Ikomo <u>zakhe</u>	Ikomo <u>yakhe</u>
<b>ibu</b>	Thalela okubuyelelweko bese utlola <b>ibu</b> ngaphezulu	<b>ibu</b>		
<b>mhl</b>	Thalela umutjho ongakahleleki kuhle bese utlola <b>mhl</b> ngaphezulu	<b>mhl</b>		
<b>hl</b>	Thalela isihlanganiso esingakasetjenziswa kuhle bese utlola <b>hl</b> ngaphezulu	<b>hl</b>		
	Igama elingakaqunteki kuhle		<u>tu</u>	Umun- 
	Umqondo oquntiweko endimeni			
<b>I</b>	Thalela ilimi elingamukelekiko bese utlola <b>I</b> ngaphezulu	<b>I</b>		